



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Broj: 15-02-41045-2/23
Sarajevo, 23.10.2023. godine

SKUPŠTINA KANTONA SARAJEVO
-OVDJE-

PREDMET: Izjašnjenje na zastupničku inicijativu zastupnika Bandić Muamera, dostavlja se

Zastupnik Bandić Muamer je na 9. Radnoj sjednici Skupštine Kantona Sarajevo, održanoj dana 03.10.2023. godine, pokrenuo zastupničku inicijativu „da se u Kalendaru obilježavanja značajnih datuma, događaja i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo uvrsti: obilazak mezarja Hakije Turajlića, potpredsjednika Vlade R BiH u haremu Alipašine džamije, radi odavanja počasti.

Skupština Kantona Sarajevo je dana 03.10.2023. godine prihvatila navedenu inicijativu Zaključkom broj: 04-04-41045-2/23.

Na pokrenutu i prihvaćenu zastupničku inicijativu dajemo sljedeće

IZJAŠNJENJE

Obavještavamo Vas da su Odlukama Skupštine Kantona Sarajevo o Usvajanju Projekta „Opsada i odbrana Sarajeva, '92 –'95 godine“ („Službene novine Kantona Sarajevo“, broj 9/06, 15/07, 35/12 i 29/15), utvrđeni Kalendar za obilježavanje značajnih događaja, datuma i ličnosti iz perioda 1992-1995. godine, kao i Kalendar za obilježavanje svih značajnih događaja, datuma i ličnosti iz perioda narodno-oslobodilačkog rata 1941-1945.godine na području Kantona Sarajevo.



Skupština Kantona Sarajevo, na sjednici održanoj 26.03.2008. godine donijela je Odluku o utvrđivanju „Kalendara za obilježavanje značajnih događaja, datuma i ličnosti iz perioda 1992-1995. godine na području Kantona Sarajevo.

Odluka o utvrđivanju „Kalendara za obilježavanje značajnih događaja, datuma i ličnosti iz perioda 1992-1995. godine na području Kantona Sarajevo je objavljena („Službene novine Kantona Sarajevo“, broj 9/08).

U navedenoj Odluci u kalendaru pod rednim brojem 62. je već uvršten događaj ubistvo podpredsjednika vlade R BiH Hakije Turajlića.

Zaključkom Vlade Kantona Sarajevo broj: 02-05-32129-8/08 od 18.12.2008. godine su određeni nosioci aktivnosti za značajne događaje datume i ličnosti utvrđeni u Kalendaru.

Prilog: -Odluka i odjeljak iz kalendara za događajem.
- Zaključak Vlade.

S poštovanjem,



Dostaviti:

- Predsjedavajućem Skupštine Kantona Sarajevo,
- a/a



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

2/1

POGLAVLJE VIII. KAZNENE ODREDBE

Član 32.
(Novčane kazne)

- (1) Lice koje učini prekršaj iz člana 30. ovog Zakona kažnjava se novčanom kaznom:
 - a) pravno lice u iznosu od 5.000,00 KM do 10.000,00 KM,
 - b) odgovorno lice u pravnom licu od 1.000,00 KM do 2.000,00 KM,
 - c) fizičko lice u iznosu od 500,00 KM do 1.000,00 KM.
- (2) Za prekršaj, uz novčanu kaznu izriče se i mjera oduzimanja novčanog podsticaja koji je ostvaren odnosno nastao prekršajem.

POGLAVLJE IX. PRIJELAZNE ODREDBE

Član 33.
(Proizvodnje iz 2007. godine)

Za zahtjeve podnesene, u 2007. godini, za ostvarivanje prava na novčane podsticaje kako je to utvrđeno tačkom IX Odluke o vrsti podsticaja i načinu ostvarivanja prava na novčane podsticaje u primarnoj poljoprivrednoj proizvodnji na području Kantona Sarajevo za proizvodnju ostvarenu u 2007. godini ("Službene novine Kantona Sarajevo", broj 16/07 i 26/07) primjenjuju se odredbe ovog Zakona.

POGLAVLJE X. ZAVRŠNE ODREDBE

Član 34.
(Donošenje podzakonskih propisa)

Ministarstvo u roku od 30 dana od dana objavljivanja Budžeta u "Službenim novinama Kantona Sarajevo", dostavlja Vladi prijedlog Odluke za tekuću godinu u skladu sa članom 11. ovog Zakona.

Član 35.
(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-9124/08
26. marta 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 18. stav 1. tačka b. u vezi sa članom 12., 13. i 14. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana IV tačka 1.1 Odluke o usvajanju Projekta "Opsada i odbrana Sarajeva 1992.-1995. godine" ("Službene novine Kantona Sarajevo", broj 9/06 i 15/07), Skupština Kantona Sarajevo, na sjednici održanoj 26. marta 2008. godine, donijela je

ODLUKU

O UTVRĐIVANJU "KALENDARA ZA
OBILJEŽAVANJE ZNAČAJNIH DOGAĐAJA, DATUMA
I LIČNOSTI IZ PERIODA ODBRAMBENO-
OSLOBODILAČKOG RATA 1992. - 1995. GODINE NA
PODRUČJU KANTONA SARAJEVO"

I.

Utvrđuje se "Kalendar za obilježavanje značajnih događaja, datuma i ličnosti iz perioda odbrambeno-oslobodilačkog rata 1992. - 1995. godine na području Kantona Sarajevo" (u daljnjem tekstu: Kalendar), a koji je u prilogu ove Odluke i sastavni je dio iste.

II.

Kalendarom se definišu značajni događaji, datumi i ličnosti iz perioda odbrambeno-oslobodilačkog rata 1992. - 1995. godine na području Kantona Sarajevo, određuju nivoi finansiranja, nosioci i način obilježavanja.

III.

Nosioci obilježavanja se obavezuju da prate, planiraju, njeguju i obilježavaju sve značajne događaje, datume i ličnosti koji su definisani u Kalendaru.

IV.

Za značajne događaje, datume i ličnosti za koje su kao nosioci obilježavanja određene Institucije Kantona Sarajevo, Vlada Kantona Sarajevo posebnim aktom utvrđuje redoslijed nosioca aktivnosti prema stepenu njihove odgovornosti, obavezu koordinacije aktivnosti između nosilaca obilježavanja kao i obavezu izrade programa obilježavanja za svaki događaj, datum i ličnost pojedinačno.

V.

Sredstva za finansiranje značajnih događaja, datuma i ličnosti iz perioda odbrambeno-oslobodilačkog rata 1992. - 1995. godine na području Kantona Sarajevo, obezbjeđuju se u budžetima određenog nivoa vlasti navedenog u Kalendaru.

VI.

Značajne događaje, datume i ličnosti koji nisu sastavni dio Kalendara utvrđuju svojim odlukama Grad Sarajevo i općine u Kantonu Sarajevo kojim propisuju nosioce i načine obilježavanja, i osiguravaju sredstva za finansiranje obilježavanja iz vlastitih izvora.

VII.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-9128/08
26. marta 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Kalendar
obilježavanja značajnih događaja, datuma i ličnosti iz perioda odbrambeno-oslobodilačkog rata
1992. – 1995. godine na području Kantona Sarajevo



REDNI BROJ	DATUM	OPIS DOGAĐAJA	NIVO FINANSIRANJA	NOSILAC OBILJEŽAVANJA	NAČIN OBILJEŽAVANJA
58.	08.10.1992.	Pogibija Porobić (Ibrahim) Mehe	Institucije Kantona Sarajevo Općina Novi Grad	Općine Novi Grad i Iliđža NVO	Polaganje cvijeca uz prigodan program
59.	08.12.1992.	Pogibija Šikalović (Jusuf) Smaila	Institucije Kantona Sarajevo Općina Novi Grad	Općina Novi Grad NVO	Polaganje cvijeca uz prigodan program
60.	11.12.1992.	Oslobađanje Žući kota-850	Institucije Kantona Sarajevo Općine Novi Grad, Novo Sarajevo, Vogošća	Institucije Kantona Sarajevo Općine Novi Grad, Novo Sarajevo, Vogošća i NVO	Okupljanje građana uz prigodan program
61.	15.12.1992.	Artijerijski napad na Klinički centar Koševo	Institucije Kantona Sarajevo	KCU-Sarajevo NVO	Prema programu nosilaca obilježavanja
62.	08.01.1993.	Ubistvo podpredsjednika vlade R BiH Hakije Turajlića	Institucije F BiH Institucije Kantona Sarajevo Općina Novi Grad	Institucije Kantona Sarajevo „Energoinvest“ Općina Novi Grad	Prema programu nosilaca obilježavanja
63.	15.01.1993.	Stradanje građana kod pivare u redu za vodu	Institucije Kantona Sarajevo Općina Stari Grad	Općina Stari Grad NVO	Polaganje cvijeca uz prigodan program
64.	21.03.1993.	Odbrana Donjeg Kotorca	Institucije Kantona Sarajevo Općina Iliđža	Općina Iliđža NVO	Prema programu nosilaca obilježavanja

REDNI BROJ	DATUM	OPIS DOGAĐAJA	NIVO FINANSIRANJA	NOSILAC OBILJEŽAVANJA	NAČIN OBILJEŽAVANJA
65.	18.04.1993.	Odbrana Košćana	Institucije Kantona Sarajevo Općina Hadžići	Općina Hadžići NVO	Prema programu nosilaca obilježavanja
66.	26.04.1993.	Pogibija tri brata iz porodice Halać na Nabožiću – Kamenička stijena	Institucije Kantona Sarajevo Općine Ilijaš i Vogošća	Općine Ilijaš i Vogošća NVO	Polaganje cvijeca uz prigodan program
67.	28.05.1993.	Stradanje porodice Ramić	Institucije Kantona Sarajevo Općina Ilidža Općina Vogošća	Općina Ilidža Općina Vogošća NVO	Polaganje cvijeca uz prigodan program
68.	30.05.1993.	Ofanzivna dejstva na padinama Trebevića	Institucije Kantona Sarajevo Općina Stari Grad	Općina Stari Grad NVO	Polaganje cvijeca uz prigodan program
69.	01.06.1993.	Stradanje građana naseља Dobrinja (bajramski turnir)	Institucije Kantona Sarajevo Općina Novi Grad	Općina Novi Grad NVO	Polaganje cvijeca uz prigodan program
70.	12.06.1993.	Stradanje građana za vrijeme klanjanja džezaze na mezarju Budakovići	Institucije Kantona Sarajevo Općina Stari Grad	Općina Stari Grad Islamska zajednica NVO	Polaganje cvijeca uz prigodan program
71.	12.06.1993.	Oslobađanje Mijatovića kose Pogibija Safeta (Zaim) Isovića	Institucije Kantona Sarajevo Općina Novi Grad	Općina Novi Grad NVO	Prema programu nosilaca obilježavanja



Broj: 02-05-32129-8/08
Sarajevo, 18.12.2008. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćen tekst), i člana 4. Odluke Skupštine Kantona Sarajevo o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995.godine na području Kantona Sarajevo" ("Službene novine Kantona Sarajevo", broj 9/08), Vlada Kantona Sarajevo donijela je na 89. sjednici, održanoj 18.12.2008.godine, sljedeći

ZAKLJUČAK

1. Za značajne događaje, datume i ličnosti iz Kalendaru za obilježavanje značajnih događaja, datuma i ličnosti iz perioda odbrambeno-oslobodilačkog rata na području Kantona Sarajevo (u daljem tekstu: Kalendar), a za koje su kao nosioci obilježavanja i finansiranja određene institucije Kantona Sarajevo, te kao nosioci obilježavanja nevladine organizacije utvrđuju se nosioci aktivnosti prema njihovoj nadležnosti i odgovornosti, obaveza koordinacije aktivnosti između nosioca finansiranja i obilježavanja kao i obaveza izrade programa obilježavanja za svaki događaj, datum i ličnost pojedinačno kako slijedi:
2. Skupština Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 1., 2., 4., 7., 12., 21., 62., 95.- Dan sjećanja na sve ubijene građane Grada Sarajeva, 106., 111.
Koordinacioni odbor boračkih organizacija Kantona Sarajevo određuje se za nosioca obilježavanja ispred nevladinog sektora za značajni događaj pod rednim brojem 12., a za značajni događaj pod rednim brojem 95.
Udruženje Unija civilnih žrtava rata Kantona Sarajevo i Koordinacioni odbor boračkih organizacija Kantona Sarajevo, a za ostale značajne događaje nosilac aktivnosti će odrediti nosioce obilježavanja.
3. Ministarstvo za boračka pitanja Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 5., 8., 9., 10., 11., 16., 17. – Pofalićka bitka, 27., 28., 29., 30., 34., 35., 38., 41., 42., 43., 45., 47., 51., 53., 55., 57., 58., 59., 60., 64., 65., 66., 68., 71., 72., 73., 76., 79 – Odbrana Žući i pogibija Envera Šehovića i braće Panjeta, 80., 81., 82., 83., 90., 91., 95., 96., 97., 98., 99., 102., 104., 108., 110., 110 a. i 110 b.,
Koordinacioni odbor boračkih organizacija Kantona Sarajevo određuje se za nosioca obilježavanja ispred nevladinog sektora za navedene značajne događaje.
4. Ministarstvo unutrašnjih poslova Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 3., 6., 18., 79-Pogibija 18 specijalaca, 83., 109.,

Udruženje veterana Odreda policije „ Bosna “ i Koordinacioni odbor boračkih organizacija Kantona Sarajevo određuju se za nosioce obilježavanja ispred nevladinog sektora za značajne događaje pod rednim brojevima 3., 6., 79., 83. i 109.

Udruženje boraca „ Branioci Bosne “ i Koordinacioni odbor boračkih organizacija Kantona Sarajevo određuju se za nosioca obilježavanja za značajne događaje pod rednim brojem 18.


5. Ministarstvo saobraćaja Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 13., 36., a nosioca obilježavanja pod rednim brojem 36. ispred nevladinog sektora odredit će nosilac aktivnosti.
6. Ministarstvo kulture i sporta Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 20., 49., 52.
7. Ministarstvo za rad, socijalnu politiku, raseljena lica i izbjeglice Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 14., 15., 17.- Stradanje porodice Bibić, 19., 22., 24., 26., 27., 31., 32., 33., 37., 38., 39., 40., 46., 48., 50., 54., 56., 63., 67., 69., 70., 74., 75., 77., 78., 84., 85., 86., 87., 88., 89., 92., 93., 94., 95. – Staradnje građana na pijaci Markale, 100., 101., 103., 105., 107.,
Udruženje Unija civilnih žrtava rata Kantona Sarajevo određuje se za nosioca obilježavanja ispred nevladinog sektora za navedene značajne događaje.
8. Ministarstvo nauke i obrazovanja Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 25. i 44.
9. Ministarstvo zdravstva Kantona Sarajevo određuje se za nosioca aktivnosti za značajne događaje, datume i ličnosti utvrđene u Kalendaru pod rednim brojevima 23. i 61..
Za događaj pod rednim brojem 61. nosioca obilježavanja ispred nevladinog sektora odredit će nosioc aktivnosti.
10. Za značajne događaje, datume i ličnosti utvrđene u Kalendaru za koje su određeni za nosioce obilježavanja Institucije Bosne i Hercegovine i Federacije Bosne i Hercegovine, ulogu nosioca obilježavanja preuzimaju Institucije Kantona Sarajevo dok se ne donesu državni i federalni propisi iz ove oblasti.
11. Svi nosioci aktivnosti navedeni u ovom Zaključku su najodgovorniji za realizaciju obilježavanja značajnih događaja, datuma i ličnosti iz Kalendara za koje su određeni kao nosioci i obavezuju se da koordiniraju aktivnosti vezane za obilježavanje između nosioca obilježavanja i finansiranja utvrđenih kalendarom. Nosioci aktivnosti su dužni da prilikom izrade programa obilježavanja međusobno surađuju i koordiniraju te isti, nakon usaglašavanja, u formi prijedloga dostavljaju nosiocima finansiranja koji daju konačnu saglasnost i odobravaju program u skladu sa planiranim namjenskim budžetskim sredstvima.
12. Služba protokola Kantona Sarajevo obavezuje se da planira i prati obilježavanje svih značajnih događaja, datuma i ličnosti utvrđenih u Kalendaru za koje su kao nosioci

aktivnosti ili nosioci finansiranja određene Institucije Kantona Sarajevo i planira potrebna finansijska sredstva neophodna za nabavku cvijeća.

Za značajne događaje, datume i ličnosti utvrđene u Kalendaru za koje su kao nosioci aktivnosti određene Institucije Kantona Sarajevo Služba protokola će realizovati kompletan protokol i scenario obilježavanja koji sačine nosioci aktivnosti.

13. Press služba Kantona Sarajevo obavezuje se da planira i prati obilježavanje svih značajnih događaja, datuma i ličnosti utvrđenih u Kalendaru za koje su kao nosioci aktivnosti, obilježavanja ili finansiranja određene Institucije Kantona Sarajevo, te da obezbjedi medijsko praćenje obilježavanja ovih događaja, datuma i ličnosti u saradnji sa elektronskim i pisanim medijima.
14. Fond memorijala Kantona Sarajevo obavezuje se da planira i prati obilježavanje svih značajnih događaja, datuma i ličnosti iz Kalendara te da u saradnji sa Službom protokola Kantona Sarajevo obezbjedi prisustvo počasne straže na mjestima obilježavanja, ukoliko je to predviđeno programom i protokolom obilježavanja od strane nosioca aktivnosti.
15. Stručna služba za zajedničke poslove Kantona Sarajevo obavezuje se da u saradnji i na zahtjev Službe protokola Kantona Sarajevo obezbjedi sva materijalno-tehnička i druga sredstva neophodna za realizaciju planiranih aktivnosti na obilježavanju značajnih događaja, datuma i ličnosti utvrđenih kalendarom, ukoliko je to predviđeno programom i protokolom obilježavanja od strane nosioca aktivnosti.
16. Stručna služba Vlade Kantona Sarajevo obavezuje se da preko Koordinatora za rad sa vjerskim zajednicama planira, koordinira i prati aktivnosti na obilježavanju značajnih događaja, datuma i ličnosti utvrđenih kalendarom gdje su prema planu i programu nosioca aktivnosti predviđeni sadržaji vjerskog karaktera.
17. Svi nosioci aktivnosti navedeni u ovom Zaključku su obavezni da dostave svoje programe obilježavanja sa iskazanim finansijskim potrebama nosiocima finansiranja, kako bi se neophodna finansijska sredstva mogla planirati u budžetu. Potrebna finansijska sredstva treba iskazati u realnim okvirima vodeći računa da se značajni događaji, datumi i ličnosti obilježe na dostojanstven način ali primjeren trenutnoj ekonomskoj situaciji u društvu. U slučajevima kada se pojavljuje više nosioca finansiranja, potrebna sredstva će obezbjediti zajednički a u skladu sa predviđenim budžetskim sredstvima i usaglašenim i usvojenim programima obilježavanja. Prilikom usaglašavanja programa obilježavanja od strane nosioca finansiranja, nosioci finansiranja će odrediti pojedinačne obaveze svakog od nosioca obilježavanja i izvršiti njihovo rangiranje prema stepenu njihove odgovornosti za realizaciju planiranih aktivnosti.
18. Zadužuje se Grad Sarajevo i sve općine iz sastava Kantona Sarajevo da izrade svoje Kalendare za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995.godine na području grada i svoje općine, a koji se ne nalaze u Kalendaru za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995.godine na području Kantona Sarajevo i da iste dostave Ministarstvu za boračka pitanja Kantona Sarajevo.
19. Za praćenje realizacije aktivnosti predviđenih Kalendarom te planiranje i sprovođenje aktivnosti oko obilježavanja značajnih događaja, datuma i ličnosti za koje je nadležno

Ministarstvo za boračka pitanja Kantona Sarajevo, Ministar za boračka pitanja Kantona Sarajevo će svojim aktom imenovati Odbor za obilježavanje značajnih događaja, datuma i ličnosti utvrđenih Kalendarom koji čine : tri predstavnika Koordinacionog odbora boračkih organizacija Kantona Sarajevo-stalni članovi, jedan predstavnik nevladinog sektora-promjenjivi član, predstavnik Komisije za boračka pitanja Skupštine Kantona Sarajevo i predstavnik Ministarstva za boračka pitanja Kantona Sarajevo.



e-mail: premijer@ks.gov.ba, www.ks.gov.ba
Tel: + 387 (0) 33 562-068, + 387 (0) 33 562-070
Fax: + 387 (0) 33 562-211
Sarajevo, Reisa Džemaludina Čauševića 1

